

經略復國要編

經畧復國要編卷之四

移戶部咨

十二月初二日

一為奉差事竣目擊遼東疲弊宜亟置造海運船隻以裕軍需以蘇民困事准戶部咨前事內稱煩查遼東地方即今徵調軍兵若干約用糧餉若干如或用盡又當作何計處希速回咨過部以憑定餉轉咨造船運用等因到部准此案照先經本部具題覆奉

欽依撥發臨德倉糧數萬石以備大兵支用去後今准前因為照倭奴推陷朝鮮聲言入犯故本部屢奉

嚴旨督發本兵相機進剿但倭奴據守平壤王京勢若

負隅似亦相機待我顧兩軍對壘遲速難以預期千里交鋒轉輸最為喫緊今調到兵馬約有五萬今日因兵定餉寧過有餘無至不足似應酌量臨德二倉每倉量發五萬石運遼以濟大軍支用如或不敷本部另行咨請至於造船一節應否先用遮洋船或俟陸續造船接濟裝運係于工部酌量本部似難遙議但春初糧得至遼大兵方克有濟合咨貴部煩為速行計處施行

檄遼東分守分巡道

初二日

一為查議征倭糧餉事准戶部咨山東清吏司案呈

准此除發銀五萬兩行山東登萊道召買米荳外仰
本道官吏即查前項見在本色糧草足穀幾月支費
議開登萊海運本部發銀之外該道曾否發銀召買
有無便利其臨德倉糧仍用若干或海運更便此當
停止并船隻數目各詳議妥當具由限五日呈詳本
部以憑咨覆施行

檄薊遼等七道及艾主事

初三日

一為稽考行糧事照得本部調到防海禦倭官軍馬
匹每日應該關支行糧料草俱要查照號單依式填
註該官將領親自磨對清切委官齎赴經過及征防

各屯駐地方該道查覈明白於緊要數目上用印鈐
蓋委官執赴倉庫支領一單所填止支一日不許連
支數日一倉支糧止用一單不許分為數單將領無
單倉庫不許支給倉庫無單查盤不准支銷如將領
官員擅用白頭小票及不行用心填註磨對致令下
人作弊或應該開除重複冒支者該道即便呈究須
至單者

計開

某營將官

下千把總

等見在

聽調

委官

實支

舊管

月

日官軍

員名馱馬

匹

新收官

員

軍

名馬

匹

開除官

員

軍

名馬

匹

實在

月

日官軍

員名馱馬

匹

計支

倉

折本

色一日

一日支

廩給米五升

副

叅

一日支

廩給米一錢

遊

都

一日支

廩給米三升

千總

一日支

廩給銀五分

把總

一日支

鹽菜銀三分

管貼隊

軍丁

一日支

料荳三升
草一束

馬

匹

各項如有不支填一無字

年月

日

支放官某人
對同官某人

檄中軍楊元

初三日

一為遵

旨專責部臣等事照得本部題奉

欽依隨帶劉員外

袁主事二贊畫朝夕諮詢破倭大計大有賴籍查得

二官自出京以來薪水之供雖出地方而一應公費

皆係自辦且勤勞王事寒月東征若不議處誠非養

廉禮士之道牌仰本官即便動支馬價自本年九月

二十六日出京之日為始每官每日各議給廩銀一兩今先動支銀各一百兩封送各官應用以見本部優禮至意事完開銷呈報

報石司馬書

初三日

今之論倭事者大都曰倭僅數千餘我兵進剿雖曰主客異形實則衆寡不敵克之特易易耳此悉浪譚也無論不佞處得之偵探者不然昨據朝鮮圖說所開云倭在平壤者萬餘在王京者二萬餘散處者七八千夫朝鮮求援甚急方慮恐喝中國阻撓我師以衆作寡以弱掩強人情大抵然也今迺

云

則實在

之數浮於所開明矣謹以朝鮮揭報并沈惟敬稟帖
奉覽則此倭奴輩不但得兵家示弱示強之術且有
縱橫詭譎之詐大非尋常比柰何漫然易視之也尤
望臺下宣之於朝使諸縉紳聞之亦謂倭奴之衆倭
奴之詐若此庶幾各各矢心共期滅賊且知今日身
任征剿者亦非易事不識高明以為何如

報石司馬書

初四日

不佞繕甲練兵儲糧製器事集已久且倭奴畏寒不
敢狂逞鄙意欲於十一月中旬發兵而大將不至屢
失事機是前日調兵之難今日待將之難為之柰何

不得已於初三日先發吳惟忠所領兵三千初四日
又發錢世禎王問所領兵二千渡江俱命於義州定
州駐牧其大兵必俟李將軍至而後發陳申等尊教
欲遣之日本但遼船不可渡海且朝鮮殘破海口俱
絕往來日本之說恐未能也不佞初意欲使歸闕一
帆可達今事機無及姑收之帳下以俟他用又據通
事朴仁儉報稱關白領兵屯對馬島被深國人乘虛
盡數殺死又謂深國即薩摩州也恐未的結報帖附
覽相公處乞為轉致餘未敢悉

與李提督書

初五日

輕車甚利不佞已移咨本兵題借矣又得門下具題
所見畧同諒無不允者慰甚慰甚遼兵併集已久祇
候霜旌至日趁此冬月即可誓師渡江但征倭與征
虜勢異今騎多於步故將遼兵稍裒益之俟面時再
商確也不佞所調將兵一聽指麾必不少分彼此以
二威權幸體鄙懷蚤張天討是望

與永平楊兵憲書

初六日

火箭火砲解到軍前邊疆藉甚欣慰欣慰又芝蔴等
柴燒灰齎運火砲等物雇騾馱載既不稽程又省盤
費門下之妙用若此寧非國家福耶外見在打造者

尤望併促之

報石司馬書

初六日

昨敝使回口傳台意諄諄以糧餉為憂不佞某亦深慮之除行文發銀於山東天津各鎮道儲運外屢與朝鮮陪臣叮嚀此事彼回稱已備五萬兵馬二月之支今兵止三萬是足三月支費不佞充恐未實復行張都司查實回報今果然矣夫先資於彼師可宿飽繼運於我事不倉皇是亦軍中大利事也懼臺下垂念敬以回文奉覽

檄李提督

初八日

一為遵

旨專責部臣等事照得本部奉 命經畧防海禦倭節
據朝鮮差來陪臣尹根壽等呈懇援救甚切及

明旨督發甚殷故本部屢與各司道將領將兵食戰守
等項多方計畫措處除糧餉已經召買及雇覓車輛
人夫搬運陸續赴義州交割并行朝鮮國以兵四萬
馬二萬計筭預備兩月支用其軍火器械如大將軍
滅虜等袍并火箭麻牌等項俱於各道取用分撥外
至於徵調薊保宣大山西遼東等處兵馬與召募家
丁投用聽用官役及未到川兵俱係征倭應用

出師伊邇必預先分布調停庶治衆有節擬合開發
知會牌仰平倭提督即將單開已調到未調到各將
領馬步官軍材官家丁等項人役并軍火器械逐一
查明酌量分調要見某將勇可使衝鋒某將智可使
應變某將可使統衆某將可使率寡某兵強可以居
前某兵可以殿後破倭利於步應否以步為正張掖
出奇應否用馬某兵分道夾攻某兵合營並進某兵
專聽埋伏某兵專為應援某兵專撥哨探各將士俱
聽節制隨宜調遣委用提督勇智功績當代首推必
謀出萬全計圖決勝仍將分別調遣緣由呈報

計開

部文徵調兵馬數目馬步各半

已到

薊鎮七千五百名

馬步各半

續到六百名

步兵

保鎮五千名

馬步各半

遼鎮七千名

馬兵

大同鎮五千名

馬兵

宣府鎮五千名

馬兵

未到

薊鎮二千九百名

山西二千名

劉綎五千名

楊應龍五千名

延綏入衛三千名

標下

副將楊元并原任遊擊戚金下家丁共六百八十二名

見任副總兵李如栢下家丁二百四十五名
原任副總兵祖承訓下家丁一百二十三名
原任都司婁大有下家丁一十二名

都司錢世禎下家丁四十名

遊擊沈惟敬下家丁三十二名

都司方時暉下家丁一十二名

原任遊擊陳邦哲下家丁三十名

原任潞安府同知鄭文彬下并男及家丁五十名

原任壺關知縣趙汝梅遊擊趙之牧指揮趙汝瑚千戶趙汝璉家丁八十名

鐵嶺衛指揮宿應明下家丁十名

旗鼓千總一員左揚

都司一員吳夢豹